

# UGOVOR ZA JAVNU NABAVKU USLUGE OSIGURANJE MOTORNIH VOZILA

## I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ulica Fehima ef. Čurčića br. 1, 71000 Sarajevo, koju zastupa direktor Dženan Brkanić (u daljem tekstu: **Ugovarač osiguranja**)

i

2. **EUROHERC OSIGURANJE d.d.**, Trg međunarodnog prijateljstva br 20., 71000 Sarajevo, kojeg zastupa direktor, Damir Hadžić, (u daljem tekstu: **Osiguravatelj**), ID broj: 4227015330006.

## II PREDMET UGOVORA

### Član 1.

Ovim Ugovorom, Osiguravatelj se obavezuje, da će za potrebe Ugovarača osiguranja izvršiti usluge: "Osiguranja motornih vozila" koje se odnose na obavezno osiguranje od autoodgovornosti, osiguranje vozača i osiguranje putnika u Kantonalnoj upravi civilne zaštite Kantona Sarajevo, prema specifikaciji, počev od 12.05.2024. godine na period od 12 mjeseci.

Ugovor se zaključuje na osnovu Odluke o izboru najpovoljnijeg ponuđača, broj: 06-11-407-8/24 od 26.04.2024. godine i ponude Osiguravatelja, broj: 243031050 od 22.04.2024. godine.

## III UGOVORENA CIJENA

### Član 2.

Ukupno ugovorena cijena nakon provedene E-aukcije za izvršenje usluge iz člana 1. ovog ugovora iznosi 13.612,90 KM (slovima: trinaest hiljada šeststotinadvanaest i 90/100 KM).

Predmetne usluge osiguranja su oslobođene od obračuna PDV-a u BiH, u skladu sa Zakonom o porezu na dodanu vrijednost ("Službeni glasnik Bosne i Hercegovine" broj: 9/05, 35/05, 100/08 i 33/17). Sumé obaveznog osiguranja sa premijom su ugovorene u KM.

## IV NAČIN IROK PLAĆANJA

### Član 3.

Plaćanje ukupno ugovorene cijene iz člana 2. ovog Ugovora, Ugovarač osiguranja će plaćati po izdavanju police u zakonskom roku, poštujući pri tome Mjere za osiguranje zakonitog vođenja poslova u oblasti obaveznog osiguranja od AO Agencije za nadzor osiguranja FBiH, uplatom na žiro-račun broj: 3383202200422796 otvoren kod UniCredit banke d.d., sukcesivno u periodu od 12 mjeseci, a na osnovu ispostavljenih faktura ovjerenih od strane Ugovarača osiguranja.

## **V ROK ISPLATE ZA NASTALU OSIGURANU ŠTETU**

### **Član 4.**

Osiguravatelj se obavezuje, da će usluge iz člana 1. ovog ugovora izvršavati kvalitetno i blagovremeno u vremenskom trajanju od 12 mjeseci, a u skladu sa specifikacijom iz Aneksa 3. - Obrazac za cijenu ponude, koji je u prilogu i čini sastavni dio ovog ugovora.

Osiguranje važi od 00,00 sati dana koji je označen kao početak osiguranja, a prestaje u 24,00 sata dana koji je u polici naveden kao dan isteka osiguranja.

Ako se dogodi osigurani slučaj, Osiguravatelj se obavezuje isplatiti ugovorenu štetu/vrijednost u roku koji ne može biti duži od 14 (četrnaest) dana, računajući od dana kada je Osiguravatelj dobio obavijest da se osigurani slučaj dogodio.

Ako je za utvrđivanje postojanja obaveze Osiguravatelja ili njenog iznosa potrebno određeno vrijeme, taj rok počinje teći od dana kad je utvrđeno postojanje njegove obaveze i njen iznos.

Ako iznos obaveze Osiguravatelja ne bude utvrđen u roku određenom iz prethodnog stava ovog člana, Osiguravatelj je dužan, na zahtjev ovlaštene osobe, isplatiti iznos nespornog dijela svoje obaveze na ime predujma.

## **VI OBAVEZE OSIGURAVATELJA**

### **Član 5.**

Osiguravatelj se obavezuje da će izvršiti osiguranje svih vozila, kao vozača i putnika iz specifikacije – Aneks 3.

Osiguravatelj se obavezuje da će izdati zeleni karton za određena vozila za koja Ugovaratelj osiguranja to zahtijeva u koloni 11 Aneksa 3 TD.

Osiguravatelj se obavezuje na nepromjenjivost ponuđenih cijena tokom ugovornog perioda, osim u slučaju promjena vezanih za zakonske obaveze, o kojima je neophodno pismeno izvijestiti Ugovarača osiguranja.

## **VII OBAVEZE UGOVARAČA OSIGURANJA**

### **Član 6.**

Ugovorač osiguranja se obavezuje da će za službena vozila TOYOTA – HILUX iz tabele 2. u Aneksu 3 koja su vlasništvu Osiguravatelja, izdati posebnu policu kasko osiguranja. Kasko osiguranje za navedena vozila podrazumijeva full kasko osiguranje bez franšize (bez uključenog rizika od krađe) za jednu godinu osiguranja.

## **VII OBAVEZE UGOVARAČA OSIGURANJA**

### **Član 7.**

Ugovorač osiguranja se obavezuje da će, naručiti usluge prema specifikaciji vozila, koja je sastavni dio Tenderske dokumentacije, u skladu sa ovim Ugovorom.

Ugovarač osiguranja će plaćanje svih isporučenih usluga izvršiti u skladu sa članom 3. ovog Ugovora.

## VIII RJEŠAVANJE SPOROVA

### Član 8.

Eventualno nastali spor po ovom Ugovoru, ugovorne strane će riješiti sporazumno, a ukoliko to nije moguće, spor će riješiti Općinski sud u Sarajevu.

## IX PRELAZNE I ZAVRŠNE ODREDBE

### Član 9.

Osiguravatelj nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 10.

Na odredbe ovog ugovora, kao i za sve što nije regulisano ovim ugovorom, primjenjivat će se odredbe Zakona o obligacionim odnosima.

## X STUPANJE NA SNAGU

### Član 11.

Ugovor stupa na snagu danom potpisivanja obje ugovorne strane. Ovaj ugovor sačinjen je u 5 (pet) istovjetnih primjeraka, od kojih 3 (tri) primjerka zadržava Ugovarač osiguranja, a 2 (dva) primjerka zadržava Osiguravatelj.

## XI TUMAČENJE UGOVORA

### Član 12.

Ugovorne strane saglasno izjavljuju da su ugovor pročitale, razumjele i da ugovorene odredbe u svemu predstavljaju izraz njihove stvarne volje.

OSIGURAVATELJ  
EUROHERC OSIGURANJE d.d.  
DIREKTOR

Broj: 243031234  
U Sarajevu, 08.05.2024. godine,

UGOVARAČ OSIGURANJA  
KUCZ

M.P.

Broj: 06-11-407/11/24  
U Sarajevu, 05.2024. godine

